

Na osnovu člana 86. Zakona o turizmu (Službene novine Kantona Sarajevo 19/16), člana 90. Zakona o javnim nabavkama BiH (Službeni glasnik BiH 39/14), člana 8. Pravilnika o postupku direktnog sporazuma (Službeni glasnik BiH 90/14), člana 51. i člana 36. Stav 3. Statuta Turističke zajednice Kantona Sarajevo, Turističko vijeće uz prethodnu ocjenu usaglašenosti sa Statutom koju daje Skupština Turističke zajednice, na 7. sjednici Turističko vijeće Turističke zajednice Kantona Sarajevo, održanoj dana 21.02.2018. godine donosi

PRAVILNIK O POSTUPKU DIREKTOG SPORAZUMA

Osnovne odredbe

Član 1.

Ovim Pravilnikom se određuje postupak javne nabavke roba, usluga i radova putem direktnog sporazuma u Turističkoj zajednici Kantona Sarajevo. Postupak direktnog sporazuma ne može se provoditi sa namjerom da se diskriminira ili favorizuje bilo koji ponuđač.

Član 2.

Turistička zajednica i njene stručne službe obavezni su kod nabavke roba, usluga i radova putem direktnog sporazuma, pridržavati se osnovnih principa Zakona o javnim nabavkama BiH naročito principa pravične i aktivne konkurencije među kandidatima/ponuđačima, uz ostvarivanje jednakog tretmana nediskriminacije i transparentnosti.

Uslovi za primjenu direktnog sporazuma

Član 3.

Postupak direktnog sporazuma se provodi kada je procjenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM. Tokom jedne godine za isti predmet nabavke može se potrošiti do 6.000,00 KM putem direktnog sporazuma.

Član 4.

Postupak direktnog sporazuma započinje ako je predmetna nabavka predviđena planom nabavki ili odlukom predsjednika Turističke zajednice o pokretanju direktnog sporazuma. Odluka kojom se pokreće postupak javne nabavke, donosi se u pisanom obliku i sadrži sve elemente iz člana 18. Stav 1. Zakona o javnim nabavkama.

Član 5.

Procjenjena vrijednost nabavke roba usluga ili radova jednaka je novčanom iznosu koji Turistička zajednica plaća, bez uračunatog poreza na dodanu vrijednost.

Procjenjena vrijednost mora biti važeća u trenutku kada naručilac zatraži prijedlog cijene ili ponudu jednog ili više privrednih subjekata.

Član 6.

Naručilac ispituje tržište i traži pisani prijedlog cijene ili ponudu od jednog ili više privrednih subjekata koji obavljaju djelatnost koja je predmet javne nabavke.

Nakon što primi prijedlog cijene ili ponudu od jednog ili više ponuđača a prije zaključivanja direktnog sporazuma naručilac:

- a) Pregovara sa ponuđačem / ponuđačima o cijeni i/ili
- b) Prihvata prijedlog cijene ili ponudu jednog ponuđača i/ili
- c) Provodi drugu vrstu postupka definisanu Zakonom.

Dogovorena ili prihvaćena cijena ne može ni u kom slučaju biti viša od odgovarajuće tržišne cijene.

Izbor ponuđača

Član 7.

Kod izbora ponude na osnovu koje će biti dodjeljen ugovor, odlučujući faktor je cijena, količina, kvalitet, tehnički opis, estetski i funkcionalni zahtjevi, karakteristike koje se odnose na okolinu, vrijeme i period isporuke i sl.

Odabir ponuđača se vrši na način koji garantira najbolju razmjenu vrijednosti za novac.

Zaključivanje direktnog sporazuma

Član 8.

Direktni sporazum se smatra zaključenim u momentu prihvata računa ili drugog osnova plaćanja i to:

- Kod nabavki čija je vrijednost manja ili jednaka iznosu od 1.000,00 KM prilaganjem računa ili druge odgovarajuće dokumentacije;
- Kod nabavki čija je vrijednost viša od 1.000,00 KM obavezno se zaključuje ugovor u pisanoj formi.

Član 9.

Saglasnost za ovaj vid nabavke daje predsjednik Turističke zajednice.

Završne odredbe

Član 10.

Ovaj Pravilnik stupa na snagu danom donošenja.

Broj: 50 – II/18
Sarajevo, 21.02.2018. godine

PREDSJEDNIK TURISTIČKOG VJEĆA

Devad Šašić